

STUDENSKA ORGANIZACIJA  
VISOKE ŠKOLE RAČUNARSTVA I INFORMATIKE eMPIRICOM

# STATUT

Tuzla, juli 2021. godine

Na osnovu člana 17. Statuta Visoke škole računarstva i informatike eMPIRICOM, Senat Visoke škole računarstva i informatike eMPIRICOM na sjednici održanoj 16.07.2021. godine donio je

**STATUT  
STUDENTSKE ORGANIZACIJE  
VISOKE ŠKOLE RAČUNARSTVA I INFORMATIKE eMPIRICOM**

**I. OSNOVNE ODREDBE**

**Član 1.**

- 1) Studentska organizacija Visoke škole računarstva i informatike eMPIRICOM (u daljem tekstu: Studentska organizacija) je demokratski organizovana jedinica u okviru Visoke škole računarstva i informatike eMPIRICOM (u daljem tekstu Visoka škola eMPIRICOM), koje djeluje kao izorno krovno predstavničko tijelo koje zastupa interese studenata i sudjeluje u radu i odlučivanju o studentskim pitanjima na Visokoj školi eMPIRICOM .
- 2) Studentska organizacija djeluje na području Tuzle, odnosno u mjestu u kojem Visoka škola eMPIRICOM organizuje nastavni proces, a u skladu sa Zakonom o visokom obrazovanju.
- 3) Studentska organizacija djeluje kao organizaciona jedinica Visoke škole eMPIRICOM, te ne može samostalno istupati u pravnom prometu prema trećim licima.
- 4) Studentska organizacija je nepolitička, nestranačka, nevladina i neprofitna organizacija koja poštuje načelo jednakosti svih građana te svačija prava i slobode nezavisno o rasi, boji kože, spolu, jeziku, vjeri, političkom ili drugom uvjerenju, nacionalnom ili socijalnom porijeklu, imovini, rođenju, obrazovanju, društvenom položaju ili drugim osobinama.

**Član 2.**

- 1) Najviši akt Studentske organizacije je Statut.
- 2) Statutom se propisuju temeljne odredbe i organiziranje Studentske organizacije, način rada, sastav, nadležnosti te druga pitanja od značenja za rad Studentske organizacije u skladu sa Zakonima i Statutom Visoke škole eMPIRICOM.
- 3) Statut Studentske organizacije donosi Skupština Studentske organizacije (u daljem tekstu: Skupština) dvotrećinskom većinom svih članova, a prethodnu saglasnost na Statut daje Senat Visoke škole eMPIRICOM.
- 4) Statut je usklađen sa zakonom.
- 5) Pored Statuta Studentska organizacija ima i Poslovnik o radu Skupštine i druga akta neophodna za rad.

## II. ČLANSTVO

### Član 3.

- 1) Članovi Studentske organizacije su svi studenti Visoke škole eMPIRICOM, bez obzira na status.
- 2) Studenti postaju članovi Studentske organizacije upisom na Visoku školu eMPIRICOM.
- 3) Članovima Studentske organizacije garantovana je sloboda mišljenja i izražavanja u okviru Studentske organizacije.
- 4) U okviru Studentske organizacije nije dozvoljeno političko, vjersko i stranačko organizovanje i djelovanje u okviru rada, sjednica, projekata i sl.

## III. STATUS, NAZIV I SJEDIŠTE

### Član 4.

- 1) Studentska organizacija je posebna organizaciona jedinica u okviru Visoke škole eMPIRICOM pod nazivom: Studentska organizacija Visoke škole računarstva i informatike eMPIRICOM. Na stranom jeziku naziv Studentske organizacije je: *Students Organization of the College of Computer Science and Informatics eMPIRICOM*. Skraćeni naziv Studentske organizacije je: Studentska organizacija Visoke škole eMPIRICOM.
- 2) Sjedište Studentske organizacije je u Tuzli, Fočanska 1.

## IV. DJELOVANJE STUDENTSKE ORGANIZACIJE

### Član 5.

Temeljne nadležnosti Studentske organizacije su:

- 1) donosi opšte akte o svome radu;
- 2) osniva radna tijela koja se bave pojedinim poslovima iz nadležnosti Studentske organizacije;
- 3) bira i razrješava predstavnike studenata u Senatu i drugim organima i tijelima Visoke škole eMPIRICOM;
- 4) donosi godišnji plan i program aktivnosti Studentske organizacije;
- 5) razmatra pitanja i sprovodi aktivnosti u vezi sa obezbjeđenjem i ocjenom kvalitete i efikasnosti studiranja, unaprijeđenjem mobilnosti studenata, podsticanjem naučno-istraživačkog i stručnog rada studenata, zaštitom prava studenata i unaprijeđenjem studentskog standarda;
- 6) učestvuje u postupku evaluacije Visoke škole eMPIRICOM, u skladu sa Statutom Visoke škole eMPIRICOM;
- 7) ostvaruje studentsku međuinstitucionalnu i međunarodnu saradnju;
- 8) usvaja godišnji izvještaj o radu koji podnosi predsjednik Studentske organizacije;
- 9) obavlja i druge poslove u skladu sa zakonom, Statutom Visoke škole eMPIRICOM, ovim Statutom i opštim aktima Visoke škole eMPIRICOM i Studentske organizacije.

## **Član 6.**

Programski ciljevi i djelatnosti Studentske organizacije su:

- 1) poštivanje prava čovjeka i građana zagaranovanih međunarodnim sporazumima;
- 2) kontinuirana briga o statusnim pitanjima studenata u vezi sa studijem;
- 3) briga o studentskom standardu i pravima studenata;
- 4) afirmacija moralnih, naučnih, umjetničkih, kulturnih i intelektualnih vrijednosti bosanskohercegovačkog društva i na tim vrijednostima, kao i na civilizacijskim tokovima, razvoj svestrane ljudske ličnosti;
- 5) uključivanje studenata u evropske i svjetske tokove života, prevazilazeći geografske i političke regionalizacije i ograničenja, kao i uključenje studenata u sve tokove obnove i razvoja Bosne i Hercegovine;
- 6) zalaganje za slobodom naučnog, nastavnog i obrazovnog procesa, te otvorenog dijaloga sa društvom;
- 7) uvođenje studenata kroz obrazovni proces u naučne i stručne projekte od značaja za Visoku školu eMPIRICOM i Bosnu i Hercegovinu;
- 8) uspostavljanje međunarodne saradnje na naučnom, kulturno-zabavnom i sportskom nivou;
- 9) razvijanje ferijalne i stručne prakse u zemlji i inostranstvu, za potrebe studenata zasnovane na stručnim programima;
- 10) organizovanje stručnih i naučnih skupova, kurseva i prezentacija u saradnji sa studentima, upravom, nastavnicima i saradnicima Visoke škole eMPIRICOM;
- 11) organizovanje studentskih putovanja i turističkih manifestacija;
- 12) organizovanje kulturno-zabavnih priredbi i takmičenja;
- 13) organizovanje sportskih aktivnosti studenata;
- 14) raspisivanje studentskih konkursa;
- 15) ostvarivanje saradnje sa privrednim subjektima, javnim ustanovama i državnim institucijama na polju srodnih djelatnosti;
- 16) permanentne aktivnosti na ostvarivanju optimalnih uslova socijalno-zdravstvenog i materijalnog obezbjeđenja studenata.

## **Član 7.**

- 1) Djelatnosti Studentske organizacije se mogu ostvarivati kroz privremena i stalno formirana tijela.
- 2) Načela djelatnosti Studentske organizacije su: poštivanje različitosti stavova, misli i ideja, sloboda izbora, samostalnost organizacije u radu, javnost i demokratičnost mišljenja, te odgovornost pojedinca i organizacije za rad.

## **V. ORGANI I STRUČNA TIJELA STUDENTSKE ORGANIZACIJE**

### **Član 8.**

- 1) Organi Studentske organizacije su: Skupština, Predsjedništvo, predsjednik Studentske organizacije (u daljem tekstu: Predsjednik) - koji je ujedno i predsjedavajući Skupštine, zamjenik predsjednika i generalni sekretar.
- 2) Skupština i Predsjedništvo mogu radi obavljanja poslova iz svoje nadležnosti osnovati stalna i privremena stručna tijela (komisije).
- 3) Lica u organima i tijelima Studentske organizacije mogu biti studenti koji ispunjavaju uslove iz člana 3. Statuta, a mogu biti kandidirani i birani na te funkcije do dostizanja statusa imatrikulanta.

### **Skupština Studentske organizacije**

### **Član 9.**

Skupština je najviši organ Studentske organizacije. Skupštinu čine po jedan redovan student sa svake studijske godine svakog studijskog smjera studijskog programa Računarstvo i informatika Visoke škole eMPIRICOM i po jedan student na daljinu sa svake studijske godine. Studenti Visoke škole eMPIRICOM tajnim, neposrednim izborima biraju svoje predstavnike u Skupštinu Studentske organizacije.

### **Član 10.**

Skupština:

- 1) bira i razrješava predsjednika Studentske organizacije, koji je ujedno i predsjedavajući Skupštine, njegovog zamjenika, generalnog sekretara i članove Predsjedništva;
- 2) utvrđuje prijedlog Statuta;
- 3) donosi Poslovnik o radu Skupštine;
- 4) donosi opšte akte Studentske organizacije;
- 5) stara se o zakonitom obavljanju poslova Studentske organizacije;
- 6) razmatra i usvaja izvještaj o radu i program rada;
- 7) imenuje stručna tijela Studentske organizacije;
- 8) odlučuje o dodjeli nagrada Studentske organizacije;
- 9) prihvata izvještaje o radu tijela Studentske organizacije;
- 10) razmatra problematiku studiranja, studentskog standarda i druga pitanja važna za položaj studenata i kvalitet studija;
- 11) obavlja druge poslove u skladu sa opštim aktima Studentske organizacije.

### **Član 11.**

- 1) Skupštinu saziva predsjedavajući Skupštine, u pravilu jednom godišnje. Skupština se saziva pisanim ili elektronskim putem, upućenim pozivom koji sadrži najmanje dan, sat i mjesto održavanja sjednice, prijedlog dnevnog reda i u pravilu dokumentaciju nužnu za razmatranje pojedinih pitanja.

- 2) Skupština može biti redovna i vanredna. Poziv o održavanju redovne sjednice Skupštine se upućuje najmanje pet dana prije njenog održavanja. Poziv o održavanju vanredne sjednice Skupštine se upućuje najmanje tri dana prije njenog održavanja.
- 3) Ako predsjedavajući, na prijedlog najmanje jedne trećine članova Skupštine, ne sazove Skupštinu u roku od 15 dana, Skupštinu mogu sazvati predlagači.

#### **Član 12.**

- 1) Dnevni red sjednice predlaže predsjedavajući Skupštine, a utvrđuje Skupština.
- 2) O sjednici Skupštine vodi se zapisnik koji sadrži: popis prisutnih, dnevni red, zaključke o svakoj tački dnevnog reda, te potpis zapisničara i predsjedavajućeg.
- 3) Skupština može raditi i donositi odluke ako je prisutna natpolovična većina članova, a donosi odluke većinom glasova prisutnih članova, izuzevši slučajeve koje predviđaju ovaj Statut ili opšti akti Studentske organizacije.

#### **Član 13.**

Rad Skupštine i način donošenja odluka bliže se određuje Poslovníkom o radu Skupštine.

### **Predsjedništvo Studentske organizacije**

#### **Član 14.**

- 1) Predsjedništvo Studentske organizacije je izvršni organ Studentske organizacije.
- 2) Predsjedništvo čine predsjednik, zamjenik predsjednika, generalni sekretar i po 2 člana Skupštine iz reda redovnih studenata iz Brčkog i iz Tuzle.
- 3) Radom Predsjedništva rukovodi predsjednik Studentske organizacije.
- 4) Članovi Predsjedništva verifikuju se većinom glasova ukupnog broja članova Skupštine Studentske organizacije. Ako ni jedan kandidat nije dobio takvu većinu, u drugom krugu izbora, u koji ulaze dva kandidata s najviše glasova po svakoj poziciji članova Predsjedništva, smatra se izabranim kandidat koji je dobio većinu glasova prisutnih.

#### **Član 15.**

Predsjedništvo Studentske organizacije:

- 1) predlaže Skupštini donošenje opštih akata;
- 2) izvršava odluke Skupštine;
- 3) imenuje predstavnike studenata u Senat i druga tijela Visoke škole eMPIRICOM, ako ovim Statutom nije određeno drugačije;
- 4) inicira formiranje stručnih tijela za obavljanje poslova iz nadležnosti Studentske organizacije;
- 5) podnosi izvještaj o svome radu Skupštini;
- 6) inicira vanredno zasjedanje Skupštine;
- 7) vodi poslovanje Studentske organizacije.

### **Član 16.**

- 1) Predsjedništvo donosi odluke na sjednicama koje saziva i kojima predsjedava predsjednik.
- 2) Predsjedništvo može odlučivati ako je na sjednici prisutna nadpolovična većina od ukupnog broja članova s pravom odlučivanja, a odluke donosi većinom glasova ukupnog broja prisutnih članova.
- 3) U slučaju hitnosti predsjednik može tražiti da članovi Predsjedništva o pojedinom pitanju glasaju putem elektronske pošte.
- 4) Generalni sekretar Studentske organizacije učestvuje u radu Predsjedništva bez prava odlučivanja.
- 5) Skupština može poslovníkom detaljnije urediti rad Predsjedništva.

### **Član 17.**

- 1) Predsjednika Studentske organizacije bira i razrješava Skupština. Mandat predsjednika je godinu dana, koji se može jednom ponoviti.
- 2) Predsjednik se bira većinom glasova ukupnog broja članova Skupštine. Ako nijedan kandidat nije dobio takvu većinu, u drugom krugu izbora, u koji ulaze dva kandidata s najvećim brojem glasova, smatra se izabranim kandidat koji je dobio većinu glasova prisutnih.
- 3) Predsjednik ne može biti lice osuđivano za krivično djelo.
- 4) Predsjednik:
  - a) predstavlja i zastupa Studentsku organizaciju;
  - b) predsjedava Predsjedništvom, te predlaže dnevni red;
  - c) predaje u ime Predsjedništva program rada i razvoja Studentske organizacije;
  - d) između sjednica Predsjedništva vodi poslovanje Studentske organizacije;
  - e) podnosi obavezan izvještaj o radu Skupštini jednom godišnje;
  - f) potpisuje opšte akte i dokumentaciju Studentske organizacije;
  - g) obavlja i druge poslove utvrđene zakonima i ovim Statutom.

### **Član 18.**

- 1) Zamjenika predsjednika bira i razrješava Skupština. Mandat zamjenika predsjednika odgovara mandatu Predsjednika.
- 2) Zamjenik predsjednika se bira većinom glasova ukupnog broja članova Skupštine. Ako nijedan kandidat nije dobio takvu većinu, u drugom krugu izbora, u koji ulaze dva kandidata s najvećim brojem glasova, smatra se izabranim kandidat koji je dobio većinu glasova prisutnih.
- 3) Zamjenik predsjednika obavlja poslove iz nadležnosti Predsjednika u slučaju njegove spriječenosti za obavljanje istih ili po njegovom ovlaštenju.

### **Član 19.**

- 1) Generalnog sekretara Studentske organizacije bira i razrješava Skupština. Mandat generalnog sekretara odgovara mandatu Predsjednika.

- 2) Generalni sekretar se bira većinom glasova ukupnog broja članova Skupštine. Ako nijedan kandidat nije dobio takvu većinu, u drugom krugu izbora, u koji ulaze dva kandidata s najvećim brojem glasova, smatra se izabranim kandidat koji je dobio većinu glasova prisutnih.
- 3) Generalni sekretar:
  - a) vodi zapisnik sa sjednica Skupštine i Predsjedništva;
  - b) pomaže predsjedniku u radu i obavlja poslove koje mu predsjednik povjeri;
  - c) stara se o arhivi Studentske organizacije.

## **VI. PRESTANAK FUNKCIJE I POSTUPAK RAZRJEŠENJA LICA U ORGANIMA I TIJELIMA**

### **Član 20.**

- 1) Licima u organima i tijelima Studentske organizacije prestaje funkcija prije isteka vremena na koje je izabran: ostavkom, završetkom studija, razrješenjem ili istekom mandata člana Studentske organizacije.
- 2) U slučaju podnošenja ostavke, licu prestaje funkcija danom održavanja sjednice na kojoj je podnesena ostavka, odnosno na prvoj narednoj sjednici organa ili tijela u kojem djeluje, ako je ostavka podnesena između dvije sjednice.
- 3) Prestanak funkcije konstatuje Skupština.

### **Član 21.**

- 1) Skupština može razriješiti dužnosti lice u organima i tijelima Studentske organizacije prije isteka mandata, u skladu sa postupkom predviđenim za izbor lica u organe i tijela Studentske organizacije.
- 2) Lice u organima i tijelima Studentske organizacije može biti razriješeno mandata ako:
  - a) prekrši Kodeks ponašanja studenata Visoke škole eMPIRICOM;
  - b) ne ispunjava dužnosti u nadležnosti njegove funkcije;
  - c) krši odredbe zakona, Statuta Visoke škole eMPIRICOM, ovog Statuta i opštih akata Visoke škole eMPIRICOM i Studentske organizacije;
  - d) zloupotrijebi položaj;
- 3) Prijedlog za razrješenje funkcije lica u organima i tijelima Studentske organizacije može pokrenuti predsjednik, nadpolovična većina članova Predsjedništva, jedna trećina članova Skupštine, Senat Visoke škole eMPIRICOM, podnošenjem pismenog zahtjeva.
- 4) Zahtjev iz stava 3) ovog člana mora sadržati i odgovarajuće detaljno obrazloženje;
- 5) Glasanje o razrješenju lica sa funkcije obavlja se na narednoj sjednici Skupštine, koja mora biti održana najkasnije u roku od trideset dana od dana podnošenja prijedloga o razrješenju s funkcije.
- 6) Ako Skupština ne donese odluku o razrješenju lica sa funkcije, novi prijedlog za razrješenje ne može se podnijeti u roku od najmanje dva mjeseca.

### **Član 22.**

- 1) U slučaju prestanka funkcije lica u organima i tijelima Studentske organizacije prije mandata na koji je biran, Skupština će na istoj, a najkasnije na narednoj sjednici započeti



postupak izbora lica na tu funkciju, u skladu sa odredbama ovog Statuta i Poslovnika o radu Skupštine.

- 2) Ako je predsjednik Studentske organizacije razriješen funkcije prije isteka mandata, dužnost predsjednika Studentske organizacije, do izbora novog predsjednika, vrši zamjenik predsjednika Studentske organizacije.

## **VII. ORGANIZACIJA IZBORA STUDENTSKE ORGANIZACIJE**

### **Član 23.**

Pravo da biraju i budu birani u organe i tijela Studentske organizacije imaju svi studenti Visoke škole eMPIRICOM, u skladu sa članom 3., članom 8. i članom 9. ovog Statuta.

### **Član 24.**

- 1) Izbori za organe i tijela Studentske organizacije održavaju se jednom u toku akademske godine.
- 2) Izbore za Studentsku organizaciju raspisuje predsjednik Skupštine Studentske organizacije.
- 3) Izborna komisija obrazuje se od strane Skupštine.
- 4) Kandidature se podnose Izornoj komisiji najkasnije sedam dana prije održavanja izbora.
- 5) Izborna komisija se sastoji od pet članova iz reda članova Skupštine. Izborna komisija utvrđuje članove biračkog odbora i popis birača na osnovu spiskova studentske službe.
- 6) Članovi biračkih odbora, kandidati na izborima i lica u organima i tijelima Studentske organizacije s važećim mandatom ne mogu istovremeno biti i članovi Izborne komisije.

### **Član 25.**

Izborna procedura preciznije se uređuje Pravilnikom o izborima, koji donosi Predsjedništvo, a naročito:

- 1) način predlaganja i utvrđivanja kandidata;
- 2) način održavanja izbora;
- 3) vođenje biračkog spiska;
- 4) uslovi za validnost kandidatura;
- 5) mjesto i vrijeme izbora;
- 6) trajanje glasanja;
- 7) tajnost glasanja;
- 8) način provjere identiteta kandidata, birača i drugih osoba koje učestvuju u izbornom postupku;
- 9) učešće posmatrača;
- 10) način postupanja za slučaj jednakog broja glasova pojedinih kandidata;
- 11) prigovor na tok i rezultate izborne procedure.

#### **Član 26.**

Nadzor i kontrolu legalnosti izbora obavlja Skupština Studentske organizacije u skladu sa svojim nadležnostima.

### **VIII. ZAVRŠNE ODREDBE**

#### **Član 27.**

Statut Studentske organizacije usvaja se dvotrećinskom većinom ukupnog broja članova Skupštine.

#### **Član 28.**

- 1) Izmjene i dopune Statuta vrše se po postupku predviđenom za njegovo donošenje.
- 2) Izmjene i dopune Statuta može predložiti svaki član Skupštine i Senat Visoke škole eMPIRICOM.
- 3) Autentično tumačenje ovog Statuta i svih Odluka Studentske organizacije daje Senat Visoke škole eMPIRICOM i Studentska organizacija.

#### **Član 29.**

Studentska organizacija prestaje sa radom odlukom Senata Visoke škole eMPIRICOM, kao i dvotrećinskom odlukom Skupštine Studentske organizacije o prestanku daljeg rada.

#### **Član 30.**

U slučaju prestanka rada Studentske organizacije, imovina i sredstva Studentske organizacije pripadaju Visokoj školi eMPIRICOM.

#### **Član 31.**

Ovaj Statut stupa na snagu danom donošenja, a objavljuje se na sistemu eCampus.

Broj: 04-03-02-188/21-001/21

Tuzla, 17.07.2021. godine

PREDSJEDNIK SENATA  
mr.sci. Muhdin Mujačić, dipl.ing.el.

---